

CALL FOR PROJECTS: Sessiun da pitching als Dis da film da Soloturn

Ils Dis da film da Soloturn e la Sentupada Litterara a Soloturn organischeschan per la terza giada ina sessiun da pitching per adattaziuns litteraras – in format cumprovà a divers festivals internaziunals. En il rom dal program SO PRO dals Dis da film da Soloturn 2026 survegnan tschintg projects da litteratura l'ocasiun da preschentar lur idea a producent*as sviz*ras etablid*as e da manar silsunter in discurs en il rom d'ina occurrenza da rait. Questa occurrenza ha lieu gievgia, ils 22 da schaner 2026. La finamira è da survegnir in contract d'opziun per in'adattaziun da film.

Per quest intent pon editur*as ed agent*as da litteratura inoltrar a partir d'immediat manuscrits da romans svizzers (planisads) che cumparan en il program d'atun 2025 u la primavera 2026.

Temp d'inoltraziun: 2-9 fin 31-10-2025

PERTGE PITCHING?

Ils Dis da film da Soloturn è il festival da film il pli impurtant per films svizzers ed ina sentupada da la branscha per cineast*as, producent*as, purschid*ras (televisiun/plattafurmas da streaming), promotur*as, agent*as ed uschia vinavant. Ord vista da la branscha, spezialmain per producent*as, èn sessiuns da pitching in format effizient per scuvrir texts litterars che vegnan en dumonda per in film. Per els e lur projects è quai ina plattafurma per vegnir en contact cun persunas dal fatg decisivas e per crear raits e contacts cun la finamira da survegnir contracts per adattaziuns da film e bler auter. Ultra da quai vegn il process accumpagnà d'expert*as da la branscha.

CUNDIZIUNS FORMALAS:

Admess èn texts ficziunals

- en ina da las quatter linguas naziunals uffizialas,
- che derivan d'autur*as sviz*ras u da persunas che vivan en Svizra e
- che vegnan publitgads il pli baud en il program d'atun 2025 d'ina chasa editura svizra u estra.
- **L'ultim termin per inoltrar projects è ils 31-10-2025.** L'inoltraziun vegn confermada.

TGE ÈSI D'INOLTRAR?

1. In frontispizi cun las suandantas indicaziuns:

- titel dal project
- lingua dal project
- logline (500 segns incl. spazis vids)¹
- lieus d'acziun
- figuras principalas (nums, gender e vegliadetgna)
- films da referenza²

¹ Ina logline è per regla ina singula frasa che definescha il gener, las protagonistas ed ils protagonists ed il conflict da l'ovra en ina moda che sveglia l'interess da las persunas dal fatg da s'aprofundar en l'istorgia. Ditg simpel: la logline è il concept, l'essenza da l'istorgia, la resposta curta a la dumonda «Per tge vai?».

² Films da referenza èn films existents che duain gidar il public dal fatg da s'imaginar co ch'ina versiun cinematografica dal project pudess vesair ora.

- prenum e num da l'autur*a
- biografia curta da l'autur*a (500 segns incl. spazis vids)
- chasa editura (num ed adressa)
- persuna da contact (adressa dad e-mail e numer da telefon)
- foto da la persuna da contact e da l'autur*a

2. Il project cun las suandantas indicaziuns:

- sinopsis (2000 fin 2500 segns incl. spazis vids)
- commentari da l'autur*a (max. 5000 segns incl. spazis vids)
- commentari da la chasa editura (max. 5000 segns incl. spazis vids; Per tgi è la tematica relevanta? Tge strategia da marketing datti? En tge ediziun vegn il cudesch edì? Èsi planisà da translatar el?)
- conferma: ils dretgs dal film èn averts

Examinads vegnan mo ils projects inoltrads cun documents cumplets.

CO VEGNI TSCHERNÌ?

Ina cumissiun interdisciplinara da trais personas giuditgescha ils projects. Ella metta l'accent sin la qualitat e l'originalitad da l'istorgia e la moda da raquintar, sin la relevanza ed il potenzial filmic e la realisabladad per l'industria da film svizra.

Ils tschintg projects tschernids vegnan communitgads il **november 2025**. La nunelecziun d'in project na vegn betg motivada. La confidenzialitad per tut ils projects inoltrads è garantida.

PREPARAZIUN PER LA SESSIUN

Ils **5 da schaner 2026** porschan ils Dis da film da Soloturn in briefing online per las chasas edituras/autur*as tschernid*as: i vegn declerà co ch'ina tala sessiun da pitching funcziuna e tge infurmaziuns ch'èn impurtantas.

PITCHING & SPEEDDATING

Ils **22 da schaner 2026** vegnan tut ils tschintg projects tschernids preschentads curtamain en l'emprima part da la sessiun. En la segunda part datti in'occurrenza da rait exclusiva cun la chaschun da manar discurs pli concrets tranter producent*as potenzial*as e las chasas edituras/autur*as. L'occurrenza ha lieu en in rom serrà mo per las personas accreditadas.

FINANZIAZIUN DA PARTENZA

Ils Dis da film da Soloturn e la Sentupada Litterara a Soloturn garanteschon ina finanziaziun da partenza (CHF 3'000.-) per projects che chattan ina firma da produenziun en il rom dals Dis da film da Soloturn. La summa cuvra ina part dal contract d'opziun per ils dretgs da film e sto almain vegnir redublad da la producenta u dal producent che acquista ils dretgs da l'ovra. Ella vegn assegnada a la firma da produenziun che acquista ils dretgs da l'ovra, uschespert ch'il contract d'opziun suttascriet è avant maun (il pli tard 12 mais suenter la sessiun da pitching). Sch'in project d'ina chasa editura estra chatta ina firma da produenziun, sto il contract d'opziun garantir che almain la mesadad da l'import negozià en il contract d'opziun per ils dretgs vegnia assegnada a l'autur*a.

INOLTRAZIUNS E DUMONDAS @ Rico Engesser, vicemainafatschenta da la Sentupada Litterara a Soloturn, rico.engesser@literatur.ch, +41 32 622 44 11

Cun sustegn da la Fundaziun svizra per la cultura Pro Helvetia.

fundaziun svizra per la cultura

prohelvetia